



樵李英華

卷上





藏書圖章

收 311

橋李英華集序



嘉興春秋之橋李也志稱其地人好文儒自漢以來豪

傑代出發為辭章龐蔚彪炳視他郡為獨盛國朝涵濡

生息鴻儒雋老出於其間其詩若文可以儷美古人者

亦多矣郡人朱漢翔以前代詩文皆有所載國朝之詩

未見采而集之者忍使其休光沈泯而不傳耶廼蒐摭

名人歌詩彙為八卷附七言排律一卷五言排律一卷

名曰橋李英華集欲梓行而未遂山西陳君瑞卿以名

進士來令是邑嘉其志而獎成之漢翔請余序諸首夫

古人詩文傳諸久遠而不滅絕者以其有至理存焉故也詩雖工而理無所寓吾見其傳未久而芳歇矣三百篇本閭巷刺草之言聖人刪取與帝王訓誥之文並列為經者豈非以其至理所寓而吾道由此而行乎後世為詩者類曰詩言理恐非詩人語也曾謂三百篇而下豈有背理之言而得以善詩名世者哉若杜少陵陶淵明是已詩固貴乎有理而有理必本乎有德言者德之文而詩者又言之文也有德者之言簡淡和平而至理自然寓乎其間聞之者足以感發興起夫何患於不傳乎

乎是集以英華名余知非有德者詩雖工不足以與乎此也陳君之從與漢翔以行是集者誠有志乎以德道民者與成化乙未冬十月朔支立書

樵李英華集卷之一



朱

翰漢翔編



七言近體

集
寄題集上人清暉樓
陳秀民字庶子號棲老元行省參知政事有寄亭

寄題集上人清暉樓

山水含暉翠欲流
上人於此結飛樓
高明不比人間住
縹緲忽如天上遊
壁月光涵吳苑夜
金蓮香引洞庭秋
幾時借得浮丘鶴
與爾題詩在上頭

揚州五
瓊花觀裏花無比
明月樓頭月有光
華省不時開飲宴
有司排日送官羊
銀床露冷侵歌扇
羅薦風輕襲舞裳
遮莫淮南供給重
逢人猶說好維揚

邳州

青山一髮見邳州
落日雲迷故國愁
父老空傳黃石在
仙人已伴赤松遊
乾坤不信無清氣
河水胡爲尚濁流
野樹昏鴉栖未定
數聲哀角起高樓

灤州望古北居庸諸山

古北居庸一望中
風沙滿眼亂芙蓉
曦車夜轉崑崙脊
華蓋陰移太乙峰
金口水流終到海
玉泉雲起又隨龍
兩京形勝今如此
可擬秦關百二重

送王紫芝歸天台

誰信丹丘王道士
乘風歸去骨毛輕
玉芝生處冬猶暖
銀甕開時夜亦明
借使夔龍興禮樂
也聞巢許薄功名
胡麻流水它年約
莫爲耽棋不出迎

湘鄉道中

日暮倦趨山市遠
解衣聊復憇巖阿
雲迷險道藤穿石

水落懸崖草亂坡木客下時人迹少鷓鴣啼處客愁多
向南言語憑誰辯莫問蠻方事若何

五月九日調軍入綏寧是夜宿風門嶺值雨
五月官軍入不毛重岡複嶺接天高小臣報國寧辭死
大將行兵無乃勞漠漠野烟啼魍魎陰陰山木挂猿猱
二更風雨來關峽自喜挑燈看寶刀

重上岳陽樓

昔年曾過巴陵郡今日重上岳陽樓碧山過雨淨如洗
白波接天光欲流巴童蕩槳雲中去使客乘槎天上遊

載將月色歸來後更踏秋空看斗牛

送岳王墳僧觀政堂歸杭二首

鄂王英武不復見香火僅餘湖上僧中國已非金社稷
北邙誰掃宋山陵廟前白日旗影下塚上黃昏劔氣升
恨不當時梟檜首載瞻遺像哭中興

英靈不死孤忠在二頃勸田固合歸寒食清明春淡淡
落花遊絮晚霏霏乾坤世道有隆替城郭人民嗟是非
安得王家兵十萬中原一戰解戎衣

讀胡笳曲

日年已到甲辰終休倚山河百二雄八駿何勞巡海內
一龍今見起江東專門學士空談道仗鉞將軍竟策功
忍聽胡笳舊時曲此身飄泊嘆秋蓬

雨中書懷

漢苑秦宮跡已陳金沙一簇爲誰新山河有恨空懷古
風雨無情只送春南國鷓鴣愁北客東家蝴蝶過西鄰
尊前莫唱昇平曲白髮秋娘也自顰

送愚上人歸越并柬奎方舟

天界歸來亦已遲庭松此日定回枝山中結社無靈運
海上留衣有退之鶴去雲霄隨錫杖龍收風雨入軍持
西湖若見方舟老爲說三生夢裏詩

送王克讓員外赴陝西

貂裘萬里獨衝寒舊是含章漢署官白雪作花人面落
青山如鳳馬頭看關中將相資王猛海內蒼生望謝安
應念東南有遺逸采芝深谷尚盤桓

朱繩字仲綱號古菴洪武初以人材起卒於京

題金陵萬壽山

奠安天闕五雲西
玉柱曾經御筆題
日暎金根龍虎踞
月明珠樹鳳凰棲
氣吞江海三山小
勢壓乾坤五嶽低
覩此昇平民樂業
萬年聖壽與天齊

周致堯字煥文

有石門集

送人歸楚

楚甸荒涼舊鎮微
春來漸覺思依依
故鄉兵後今誰在
遊子江南只自歸
長路關心聞過鴈
孤城回首見斜暉
家人十載傷離別
芳草寒塘獨掩扉

寄沂陽劉廷鎮員外

故人相與最從容
尚憶論詩向夜中
白首無家十年別
青山何處一尊同
夢回孤館燈前雨
目斷西風塞外鴻
誰識離懷愁絕處
野亭依舊穆陵東

吳中

兩岸春雲暗柳條
滿蓬疎雨過楓橋
空憐越絕溪山險
且聽吳趨巷陌遙
官舍晚涼飛燕子
水鄉人靜賣魚苗
誰家白晢佳公子
賸把黃金買阿嬌

寄子高都事

昔年相與最多情
尚憶聯鑣度錦城
御水滿溝看洗馬

宮牆隔樹聽流鶯別來故舊今誰在老去艱虞只自驚
山色湖光總無賴不堪幽獨轉愁生

登崇德州有感

溪上孤城百雉餘城門猶自護儲胥霸陵空宿將軍騎
范叔應隨使者車雞犬蕭條兵過後漁樵散漫市休初
老年觸事多成感閑向芭蕉葉上書

寄舍弟鼎

生計依人轉寂寥別來心事向誰消鏡中華髮隨年改
溪上青山入夢遙對酒便思歸白社將書不敢寄洪喬

越情吳思渾無賴獨倚江樓送暮潮

謝劉經歷惠曆

鳳曆新頒自九天故人相寄感相憐極知帝德符三統
共喜王春正八埏海舶遠歸占上日野夫多病惜流年
老妻不解功名事數問臨官在幾篇

寄道士胡尚德

綠草丰茸碧樹斜清涼琳館即仙家養生不餌千金藥
對客時分五色瓜池上雨來飛赤鯉林間月出見妖蟬
顧余顏色渾如雪曾記松西汲井花

臨平道中寄京師諸友

雲外羣山縮翠螺
馬蹄長是客中過
關河樹色秋先近
驛路蟬聲晚更多
千古心期空皓首
百年世事等滄波
自慚薄劣頻趨走
幾度因風想玉珂

春日雨中漫成次顧玉山韻兼柬石監征

十日春泥懶入城
滿湖風雨未開晴
草堂欲補寧忘破
沙鳥頻來莫漫驚
橋外柳條隨意綠
坐間苔色傍人生
緣知花事渾能幾
好買芳尊對客傾

寄劉孝章經歷

意氣傾人記昔年
東風飛蓋日翩翩
花明古戍春停騎
月上清江夜放船
老去交游誰尚健
亂來踪跡總堪憐
山光水色渾無賴
却數冥鴻野外天

次韻送陳壽夫之湖州

識君最久送君遲
却愧相看在亂離
十口一家無別業
此身何日是閑時
青山滿路春船酒
白月空江客枕詩
我有好懷誰得共
鷗波千頃雨絲絲

送夏太守

九重宵旰爲黔黎
守令如公復論誰
莫夜無金干獨處

春秋有筆斷羣疑每聽白髮歌遺愛擬代蒼氓寫去思
三載專城不忝會看編入史臣詞

寄吳興張別駕

駕鵞飛去潦波平曾聽驪歌憶送行南浦移舟官樹綠
野亭酌酒晚風晴異鄉春近多新夢遠使書回足舊情
欲識懷君無限意滿城芳梓亂啼鶯

送曹廣文賦得富覽亭

危亭突兀斗城陰風物蒼茫入望沉萬古東南多壯觀
百年豪傑幾登臨夜中日出扶桑近天外江流灩澦深

好趁歸帆拂天姥共憑寥廓寄微吟

蔣氏小瀛洲

茫茫人海小瀛洲靈草丰茸碧樹幽底用風輪通弱水
時逢雲袂下浮丘天陰圖畫龍鱗濕月夜簫聲鶴背秋
我亦平生有仙骨歸來同作采芝遊

次韻顧玉山見寄二首

白水青山杳渺邊每懷高節自茫然不從猿鳥疏名姓
虛託鱗鴻問歲年燈外簷花清夜雨江頭雲樹暮春天
須知無限滄洲意渺渺東風一旆懸

郭外茅堂隱者居竹寒沙碧映窗虛畚田黍熟盈尊酒
溪女船回滿七魚別業定行中使畫佳兒亦拜撫軍除
百年人世空馳逐玉塵清風獨晏如

渡錢塘江

日出長江烟霧開越山吳樹抱江迴霸圖踪跡空今古
天塹東南自往來山郭雨昏雲似墨海門潮急浪如雷
舟師省施須看客不數瞿塘滬瀨堆

西津夜泊

孤帆夜落石橋西橋外青山入會稽臥聽海潮吹地轉
起看江月向人低一春哀謝憐皮骨萬國艱虞厭鼓鼙
何處客船歌水調令人歸思益悽迷

贈馮鍊師

十畝蒼苔一畝宮宮中道士冠芙蓉不教神鬼窺丹訣
曾使風雷起劒鋒山石種來都是玉淵魚飛去或成龍
野人受得長生籙重金泥次第封

贈醫士顧宗元

苧服寬裁白羽輕獨將脩鍊寄高情清晨饋客青精飯
靜夜聞君紫鳳笙陰洞采芝飛石燕小窗丸藥轉流鶯

百年何處觀冥德爛熳階庭玉樹生
送南臺察掾張志學赴都

蓬萊宮闕五雲間天上羣仙集珮環
珥筆每同花下散
玉珂時聽月中還
清秋幕府芙蓉靜
白日門屏獬豸閑
浩蕩天風吹鶴馭
春朝入覲紫宸班

贈醫士陳仲章

東州人物固多賢
白髮醫官似列仙
素業不因軒冕貴
佳名自得縉紳傳
松根斲石收苓玉
溪上看花覓藕船
愧我未窮生死訣
刀圭還肯輔華年

次韻顧玉山寄張子淵

險宦何殊瞰九淵
且將蕭散事餘年
風前白苧裁春服
花外青藜挂酒錢
聖世敢云輕紱冕
野人只合老林泉
養生况有封囊藥
坐聽流鶯手自圓

春日偕顧玉山汎舟平家湖訪石仲德次韻

湖上春風生綠波
湖頭柳色似新鵝
已知出郭塵喧少
更喜臨流樂事多
穩坐蘭舟勝上馬
新苧服不須衣羅
茅堂只隔東西瀼
隨意相從載酒過

送僧住徑山

開士持衣登祖寺。迢遙雙徑接空虛。清晨唱梵層雲表。
白日傳燈劫火餘。山抱郡城飛雉堞。井通瀛海躍神魚。
高情也愛談禪悅。許近牛鳴便築居。

張翼字翔南有梓宇集

題劉商觀奕圖

聞道觀棋爛斧柯。殘薪枯卉總如何。應知局外乾坤老。
不信人間歲月多。木客吟秋松未落。山翁憑奕鬢先皤。
有生物理昭然在。銅狄誰云重撫摩。

為武昌劉明善題淦川

武昌之水來淦川。合流衆邑澄淵泉。直分支派雲夢下。
况復朝宗江漢前。黃鶴樓空湛霜月。赤壁山近涵漪漣。
君王肯做鏡湖賜。日汎空明書畫船。

金子肅

柿林新居

喜得遷居秀水濱。此鄉風物舊相親。為農久已知農事。
近市還能遠市塵。鵝放墨池迎洗硯。鷗當漁屋看垂綸。
果園藥圃終吾老。未必溪花解笑人。
西園路轉入溪深。載酒船過費遠尋。春色到門花滿徑。

秋聲繞屋樹成林。陶潛解職終遺愛。王翰爲鄰是賞音。
蒼狗白衣何必問。投閑從此謝朝簪。

陳約字博文大理寺左少卿陞山西右布政

寄鄉中諸故人

相逢何必論萍蹤。旅食京華又朔風。老去豈知身入宦。
覺來全覺夢成空。鱸魚故國萼絲晚。鴈影寒江木葉紅。
爲問南湖湖上月。幾時詩酒共諸公。

天壽日侍宴

山龍黼黻殿中間。象貝犀琛貢百蠻。星拱已歸天北極

嵩呼齊祝壽南山。瑣窗虹貫金蓮炬。丹陛春聯玉笋班。
白髮老臣何以報也。霑恩渥駐蒼顏。

懷盛玉全

海上青山我昔遊。別來回首十經秋。諸峰羅立應如舊。
獨客棲遲尚此留。每恨親朋多阻絕。欲傳書信恐沈浮。
憐君只在秦溪上。相見何時解去舟。

陳繹字思文號如醉

和吳景長秋興韻

瀟瀟風雨洗秋旻。頓覺乾坤萬象新。畫棟雲飛啼帝子

銅盤露冷泣仙人鳳凰覽德翔千仞燕子辭巢別故鄰
欲頌河清獻明主天顏一笑物皆春

桃根接梅

未見東風著小桃先看蓓蕾綻紅椒種從王母來時度
魂向羅浮夢裡招妙奪天香回造化巧將雪色補嬌妖
一聲鐵笛春歸也回首秦源道路遙

陳緝字熙文

白雲之雨中期張天傳以無舟不至
太乙馮虛不用舟臥乘蓮葉渡中流斗牛夜射蒼精珮

風露寒生紫綺裘地隔蓬萊無萬里鶴歸華表又千秋
仙家縮地如無術安得相從到十洲

次吳景長秋興韻

十年羽鶴縱飄零喪亂無書問死生深院銀燈挑錦字
小樓明月理瑤笙霜寒菊徑思元亮秋老瓜田憶邵平
悵望佳人淚如雨夜深腸斷楚歌聲

似張天傳

市涇士有張騫蚤歲辭家願學仙古匣龍蛇秋仗劍
石壇星斗夜朝天洞中雲暗長疑雨鼎內丹成不計年

欲試囊中食玉法明朝相約過藍田

和大兄甲辰歲九日見寄

霜後山林落葉稀黃花采采繞柴扉
催租吏去生秋興
墮帽人酣又夕暉
歲歉欲求菰米飯
天寒偏怯芰荷衣
風塵如此須歸去
手把長竿坐釣磯

送周煥文從唐伯剛之吳興

碧瀾堂下即吳興十里芙蓉繞石城
山簡歸時應倒載
條侯醉後尚談兵
蘋洲雨過秋聞鴈
橘里春深曉候耕
事簡好將樵唱曲
水精宮裡坐吹笙

東吳中永樂寺住持鼎虛中

梵王樓閣冠吳中
雲繞諸天會法宮
寶藏夜明珠出海
花臺烟煖雨隨風
庭松回指思玄獎
隴月迎人識贊公
劫後相看情倍好
詩成須寄具區東

過潮音庵訪澄海性

潮音精舍水中央
寂寂松門掩夕陽
翡翠蘭若依水渚
鷓鴣鷓鴣滿魚梁
香消柏子春雲冷
水滴蓮花夜漏長
人世干戈嗟擾擾
欲從苦海問慈航

送道士謝清一歸吳中

丹鼎紅光照洞庭。天壇月色帶疎星。玄都道士蒼精劍。
上界仙人白鳳翎。闔闔朝回天蕩蕩。藥珠經盡晝冥冥。
欲從杖屨秋山裏。風雨篝燈采茯苓。

次原素上巳韻

落花如雪委蒼苔。百歲逢春復幾迴。流水羽觴嗟寂寞。
石田茆屋未歸來。舞雩風暖宜童子。脩禊書成屬俊才。
故舊相看情倍好。雅懷今日爲君開。

似近仁

長袖方袍墊角巾。逍遙天地一閑身。匡廬結社邀元亮。

鑑水維舟待季倫。飛絮遊絲留白晝。野花幽草自長春。
林間無地容塵俗。祇許先生與卜鄰。

秋夜懷明本

溪聲漸瀝起蒹葭。溪水潺潺激白沙。大地星流還化石。
小窗燈冷不成花。江淮烽火三千里。城郭人民八九家。
避地欲尋張博望。月明滄海汎靈槎。

海上述事

浮生南北任流萍。漫刺江湖憶禰衡。鴈去關河秋萬里。
潮來江海月三更。燐光夜伴蛩蛩泣。妖氣晴連蠅蠅橫。

欲向靈氛問人事。中原何日可休兵。
野徑荒涼日欲晡。林棲水宿適相呼。汀洲霜冷蒹葭老。
山路秋高首宿枯。屈子壯心能忘楚。武侯遺恨在吞吳。
便從海鳥尋蓬島。先向鴛湖下鵝湖。
憶昔扁舟過洞庭。長懷七十二峰青。三年跡苑吳中客。
十載漂流水上萍。作賦便思招海賈。移文無復媿山靈。
碧天寥闊秋如洗。願借仙家白鳳翎。

題馮克敬清風軒

層軒修竹翠重重。萬葉秋聲吼籟龍。冰盃蔗漿凝瑪瑙。

金盤玉露瀉芙蓉。脫巾挂壁雲根淨。拄笏看山爽氣濃。
滄海月明歌舞地。儘堪留客共從容。

春波漁傲為王原魯賦

猩袍自脫換羊裘。鼓柁長歌上釣舟。山澤有人能忘漢。
熊羆無夢可與周。綠波芳艸西湖上。細雨斜風古渡頭。
不是忘君與忘世。盛時原自有巢由。

雨中

日日江村聽雨眠。風塵萬事總堪憐。漂流未見民歸業。
賦斂重教出市廛。壯士有戈回白日。豎儒無術補青天。

故園夢想荒蕪編茅屋蒼苔老石田

古巖爲城德中賦

蒼然壁立聳高寒元氣淋漓濕未乾
開闢自天留澗壑崦巖如玉倚林巒
壺中樓觀金銀氣洞裏神仙日月丹
擬欲捫蘿遊絕頂佇聞環珮響珊珊

禁煙日東長如仲如二昆弟

朱闌六曲舊池臺甲帳珠簾已刮灰
舊鬼煩冤新鬼哭前人遺怨後人哀
誰將天地爲棺槨忍見英雄化草萊
惆悵故園猶未返野花無主爲誰開

湖頭誰復載吳娃鷓鴣多情戀白沙
浩萬春深無杜宇武陵何處有桃花
雨餘石燕晴歸穴市近山蜂午報衙
看到前朝卿相墓野人翻土樹桑麻

禁煙日懷大兄

留春無計願春遲花落空山有子規
翡翠樓香依杜若牽牛引蔓上棠梨
文園多病猶爲客杜老應門亦有兒
田野寒烟不須禁罷民無食已多時

觀醮

雲龍風虎護重關羽蓋霓旌繞石壇
金闕九天開閔極

玉京羣帝集仙班秋橫劔氣連星斗朝罷仙音雜珮環
一點英靈渺何處夜深應共鶴飛還

弔古

投壘渡江江水空朝馳淮海暮吳中江東壯士輕王猛
吳下諸公失呂蒙山鬼有靈啼夜月野花無主怨東風
盡將骸骨填溝壑誰在雲臺第一功

題張原素書舫齋

水光雲影欲連空長日吾伊或倚篷天上星槎張博望
座中人物米南宮歌臨赤壁船仍扣夢入山陰路可通

遙憶舵樓同晚飲幾回搖盪月明中

釋宗衍字道原

秋興

一別空山舊草亭衣裳五見點秋螢沙沉短艇餘菰米
苔臥長鏹老茯苓弱水蓬萊那可到瞿塘灩澦不須經
歸帆早晚吳波裏嫋嫋涼風望洞庭

題趙松雪墨蘭

湘江春日靜輝輝蘭雪初消翡翠飛拂石似鳴蒼玉珮
御風還著六銖衣夜寒燕姑空多夢歲晚王孫尚不歸

千載畫圖勞點綴所思何處寄芳菲
錢塘懷古

鐵馬悲鳴汴水黃翠華南渡駐錢塘至今父老稱行在
往昔君臣認故鄉銀海鴈飛虛夜月銅盤仙去只秋霜
乾坤離合寧非數詩罷長吟意渺茫

題仙山樓觀圖

琅玕珠樹隔煙霄仙子樓居積翠遙羽化夢憑玄鶴返
丹成身與白雲飄杖隨麋鹿山深淺釣掣鯨魚海動搖
想像虛無圖畫裏秦王漢武若爲招

子熙兩和詩寄再用韻以答

梁甫吟餘自荷鉏南陽非復舊門閭春愁亂逐楊花起
秋興頻將柿葉書水落楚江尋瘞鶴草荒吳苑問蒸魚
遠遊憶母還歸省安得雲萍有定居

次韻瑛石室謝事雪竇歸吳江

草堂舊在吳江上江水江花照眼明久客歸來渾似夢
比鄰相見不知名尊香筮澤思張翰瓜熟青門憶邵平
一夜西風吹白髮挑燈因自賦秋聲

次韻春日西湖懷古

當時翠輦此經過天馬玲瓏撼玉珂宴罷湖山芳艸合
歸來風雨落花多子規夜半啼宮樹翁仲春深帶女蘿
自古興亡多有此不須惆悵問如何
錢塘父老眼看天國破尤能話昔年江草忽嘶關北馬
風帆不返海南船空陵落木無人掃廢苑餘花只自妍
此日西湖回白首功名若箇在凌烟

林若拙見訪

西風落葉滿江村古寺深廊晝掩門忽見故人如夢寐
却看行李問寒溫漂零湖海身將老倚賴丹青目未昏

因憶吾廬碧山裏煩君揮筆寫雲根

送友人游溫台

天台鴈蕩好林立水竹風杉寺寺幽路轉山腰斜避石
渠通泉眼細分流經過遂欲留佳處險絕何須到上頭
八月錢塘望歸棹江潮如雪倚江樓

寄李太無

不見能詩李謫仙東湖吟望兩經年丹光迥出青雲上
紫氣長臨碧海邊擬對樓衣論磻竹更留茅屋賦江蓮
疎鐘細磬匡山裏頭白歸來也自賢

輓王非隱

王衍風流絕世無瓊林玉樹映珊瑚夢回忽棄沉香檻
歌罷空餘玉唾壺杳杳緱山飛獨鶴漪漪白水沒雙鳧
輞川池館煙花裏他日相思畫圖

釋金西白號白菴

次韻李希顏同知登吳山有感

鳳舞龍飛運已更江流難挽幾傷情荒陵烏雀聲如怨
故國風雲氣不平冠蓋偶然尋勝地旌旗且莫指邊城
登高別醉黃花酒更擬重陽一日晴

乙巳清明泊舟柳胥浦

柳胥浦上綠楊邊客裏清明繫客船莫遣桃花作紅雨
且看榆火散青煙笙歌謾說承平日耕稼深期大有年
邂逅農人即相慰軍儲無限望吳天

題梅竹雙清

孤山不見林君復借宅空懷王子猷愛爾雙清須賦詠
令人千古想風流縞衣春夢三更月翠葆涼聲幾度秋
莫把琅玕製成笛虛心應為落花愁

錦莊漁隱為醫士作

錦莊園林錦不如幽深彷彿神仙居
舍南舍北賸栽杏
水落水生惟釣魚巖陵終辭光武祿
郭玉素受涪翁書
眼前生意日已廣桃源雞犬同村墟

學士求賢親奉詔少微光動五雲深
相如已出子虛賦
諸葛休爲梁父吟堂倚九重題白玉
臺高百尺置黃金
此行入奏天顏喜紅錦袍成賜翰林

陸景龍字德陽

送禮部焦郎中

黃道天開紫極高爐烟繚繞拂宮袍
漢家人物追三代
周典天官冠六曹翠幕晝開吟芍藥
玉壺春暖醉葡萄
袖中應有山公啓月旦無辭獻納勞

九月十日

樵李英華集卷一終

樵李英華集卷之二

七言近體

窳菴集

陳雷字公聲號窳菴棲老子山西布政司經歷有

春日懷周葵窗助教

紫燕黃鶯來去飛綠楊煙暖午風微先生倚杖花邊立

童子舞雩川上歸物象自隨幽意得世情渾與此心違

綠知野馬多如許不染春雲白練衣

朱

翰漢翔編

酬陳曉山富春人號春江漁者

春江漁者詞林客棧老棲遲尚異鄉
七里灘頭煙水遠一竿風外釣絲長
赤霄白日飛鸞鶴碧樹丹山集鳳凰
我亦平生愛瀟灑放歌還許濯滄浪

題方氏澄心亭

澄心亭子水之湄結構空涼也自奇
已暎渚蒲青間出更涵沙竹翠相宜
寒釐玉露銀床凍碧甃銅瓶紫綆垂
到此不因同靜者湛然方寸與誰知

題楊氏問月軒次周葵窗韻

我欲停杯問廣寒中間宮闕幾時安
丹梯有影非難上玉斧無痕許借看
不信藥成煩老兔誰憐桂冷濕青鸞
相逢今夕知何夕莫笑清狂興未闌

寄劉仲原經歷

鴛鴦湖水漾晴暉鏡裏遙峰入望微
槐蔭午衙書帙靜蓮香秋幕吏人稀
青雲步穩名逾重白石歌長願已違
他日相逢話疇昔應憐憔悴不勝衣

自城東復回感化舊居留別徐德原

孤雲無定水悠悠又復攜書返舊丘
橡栗樹空猿叫夜

簾葭霜冷鴈知秋。嬾梳白髮頻搔首。笑對青山獨倚樓。
暇日清遊可乘興。到門題鳳亦風流。

寄姻友王近智

夢繞故山歸未得。俱將旅鬢逐年華。烟村白屋留孤樹。
野水危橋踏臥槎。倚馬文章真可羨。寄魚音信莫令賒。
雄飛縱是尋常事。須用窮年讀五車。

效唐近體二首奉贄雲門張布政

湖山佳麗有餘輝。台輔星明近紫微。月轉桐陰書帙靜。
幕深花影吏人稀。九重浩蕩恩尤渥。萬里扶搖志不違。

無計干時空潦倒。却令山鳥怪儒衣。

異鄉身世寄飄零。畢娶猶慙向子平。雲外青山他自好。

雨中蒼葑若爲耕。鹽車困驥思芻秣。涸轍窮鱗待水生。
重覓西湖舊遊路。舞堤楊柳不勝情。

輓徐信中知縣

我寫哀思寄渺茫。誰爲佳傳發幽光。一時蟬蛻空遺跡。
何處牛眠占吉藏。落日黃雲愁黯淡。西風丹旆色淒涼。
爲官未了平生事。空使羈魂遠帝鄉。

題徐思敬瑤池小景

紫泉壘石帶烟霞。此景人間有幾家。錦字書傳青鳥使。
玉簫聲繞碧桃花。雲容窈窕誰能寫。月色嬋娟我欲賒。
不待扁舟乘興去。珊瑚長拂釣竿斜。

賦孫德芳雪香齋

淡粧素服出天衢。彷彿羅浮世外身。自與芝蘭同氣味。
不須霜月借精神。暗熏詩夢春先到。光暎書帷夜轉新。
三嗅悵然成獨詠。為憐清絕更無倫。

早春寄周致堯

百年身世渾如寄。何處他鄉是故鄉。柳態正須春弄色。

梅花白與雪生香。楊雄寂寞玄猶白。賀監風流醉亦狂。
倘許勝緣同晚歲。梨林風致即柴桑。

梨林致堯所居之地也

竹所次盛孔昭韻

萬玉森森護艸堂。八窗虛敞夏生涼。清脩迥出風塵表。
瀟灑駢生水石旁。淨掃莓苔聽翠雨。閑題詩句洗鉛霜。
籜龍更放新梢出。相並梧桐宿鳳凰。

秋望

西風涼冷氣蕭疎。對景誰能寫畫圖。紅樹離離變霜葉。
黃沙渺渺帶烟蕪。嵐消斷壁山容瘦。水盡遙天鴈影孤。

乞我五湖舟一葉。也應託興爲蓴鱸。
寄隱者

地隔靈霞絕妄塵。悠悠世事了無聞。漁樵來往頻分席。
麋鹿尋常不離羣。花下一尊黃菊露。松間千頃紫芝雲。
箕山穎水風流遠。誰謂高情屬隱君。

月下聞笛

風滿山樓月滿江。數聲猶帶舊聞腔。折殘楊柳愁如織。
吹落梅花氣未降。何處驚禽移別樹。幾家思婦泣秋窗。
因懷諸葛躬耕日。憑仗誰媒獨拜龐。

程本立字原道號巽隱老人都御史

和貝惟學登小孤山韻

西來風浪湧金門。人在鴻濛沆漭間。大地小孤天柱石。
長江第一海門關。鮫人夜泣珠成淚。龍女晴梳翠作鬟。
欲問靈巫報神語。我行何日定東還。

高遜志字士敏號香庵翰林學士

贈章安甫老人

籃輿迢遞出郊坰。野服翩然鶴髮星。柱史不辭周問禮。
伏生須爲漢傳經。汀洲水落蒹葭老。澤國霜寒橘柚青。

自笑隱淪緣底事時危蹤跡一浮萍

徐德原司丞隱居

放棹南湖春水深昔年遊覽得重尋陶公未許辭彭澤
龐老那容隱漢陰落絮雨餘霑墨沼遊絲風暖冒書林
自憐久客渾無賴亦欲攜詩與盃簪

送宋時中還海昌兼柬東王好問提舉

十年湖海共飄零踪跡渾如水上萍宋玉愁多成九辯
王通思苦續羣經鯨波日落千尋碧鶴嶺雲開萬疊青
君等懷才須用世弓旌早晚出虞廷

簡蒲菴長老

論文猶憶自前朝亂後誰憐意氣消元亮歸來依惠遠
少游客久遇參寥山房黍熟供蔬甲石鼎茶香薦菊苗
名勝想無今古異禪龕容我避塵囂

送友生應聘

十年吳下共論文亂後那期兩地分交道莫令慚管鮑
才名端不讓機雲大鵬已遂圖南便神駿應空冀北羣
此日公車須獻頌經邦會覩策殊勲

寄蘭照磨

天開泰運息兵塵。建業千年王氣新。虎旅南征收百越。
龍旂西指定三秦。春明紫禁烟花繞。日麗彤樓燕雀馴。
朝罷從容須獻替。要令膏澤及斯民。

次趙耘軒見寄韻

曾遊海上望蓬萊。結友惟尋世外才。弘景已聞勾曲去。
圖南重見華陰來。大鵬奮翼輕千里。獨鶴凌風徧九垓。
我亦吹笙雲漢侶。誤嬰塵網轉堪哀。

城南小隱為松江郭彥禮賦

步屨幽尋古岸隈。柴扉正對郭南開。林間野徑穿雲入。
溪上春潮待雨來。過客停杯歌白苧。鄰翁吹笛坐蒼苔。
羨渠高隱空相憶。浪迹多年素髮催。

鮑恂字仲孚三領鄉薦

題吳越兩山亭

新亭卓絕倚雲端。兩岸青山繞畫闌。衆岫西來馳萬馬。
數峯東去舞羣鸞。海門帆影烟中見。江樹秋容雨後看。
千古興亡無限事。邊城又聽角聲寒。

李進字孟昭號西園居士訓導

擬賦新宮

海宇澄清泰運開。城懸北斗住蓬萊。金銀宮殿千門啓。
玉帛衣冠萬國來。瑞氣氤氳籠寶座。仙韶縹緲奏瑤臺。
微臣幸際明良會。願獻神堯萬壽杯。

過徐州

官船千里過彭城。陳迹荒涼草樹平。項籍臺空無舊業。
坡仙樓在有餘清。天邊夕照孤帆影。洪口春雷白浪聲。
迥客題詩成感慨。青山猶帶古今情。

春興

聽殘鷓鴣雨中聲。歲歲芳時不稱情。酒債詩魔縈病骨。

柳烟花霧鎖愁城。登樓此日思王粲。作賦何人薦馬卿。
見說滄浪歌可愛。投簪東海濯塵纓。

午睡沈沈飽黑甜。惱人幽鳥語前簷。扶頭酒醒猶歌枕。
花信風高不捲簾。世味久諳如上蜜。人情已識水如鹽。
知心只有青青竹。冷淡相看兩不嫌。

王母瑤池圖

臺殿參差近碧天。房櫳屈曲竊相連。瑤池淡淡涵秋月。
珠樹濛濛護曉烟。雲外鳥來知七夕。風前花落是何年。
詎諧却笑東方朔。三度偷桃未得仙。

春暮有懷李孟璿
暖風無力度鄰牆風裊游絲拂地長深院獨眠淹病酒
袷羅初試淺熏香新巢燕子來如約未謝梨花待洗粧
綠艸滿池春欲去幾隨詩夢到君旁

紅白蓮花

翠蓋亭亭映碧漪濃粧素質兩相宜華清賜浴春酣後
虢國承恩月上時錦障風輕波潏潏玉杯香冷露淋漓
茜裙又作霓裳舞清曉來遊太液池

題豐樂樓圖

錢塘城郭帝王州勝槩千年尚有樓南浦雲開珠箔曉
西山雨歇畫闌秋玉人歌舞成春夢芳艸王孫非舊遊
物換星移餘事在蕭條殘墨不勝愁

漂母墓

淮陰城下有荒墳過客維舟慘壯魂一飯當時非責報
千金異日果酬恩雲迷馬鬣封難認草沒龜趺字已昏
多少英雄困貧賤世人誰肯念王孫

淮陰懷古

淮浦南邊曉繫舟擬尋遺迹弔韓侯酬金墓在蒼松古

仗鉞壇荒碧草秋功並良何誠不忝生儕絳灌亦堪羞
風雲消盡英雄氣楚水無情日夜流

金橋柳色

官橋送別繫蘭橈官道垂楊拂畫橋烟鎖翠眉如有恨
日搖金縷不勝嬌渭城朝雨離筵散灞岸東風客路遙
君上皇都春又晚花飛晴雪映趨朝

貝闕字廷臣

送友人之姑蘇

黃金換土築姑蘇形勢千年入霸圖鳳閣鸞臺分兩省

虎符龍節鎮三吳轆轤日暮回滄海鼓角霜清落太湖
會賦壯遊詩百首瓊花楊柳似江都

貝翺字季翔楚府紀善

吳門會故人樓文淵

憶曾相識自兒童二載雲間筆硯同深院鈔書桐葉雨
曲闌聯句藕花風當時壯氣凌諸子今日衰顏對兩翁
高臥田園君自樂宦遊愧我尚東西

閒居

閒居不是爲逃名野性從來少宦情況有林塘供笑詠

且無冠蓋費逢迎夕陽山好樓中見春水船高樹杪行
何處飛來雙白鳥時時相近不相驚

陳景融號菊逸齋庵子

次韻暮春

春風官路馬蹄輕侍宦歸來恨莫平呼酒且判今日醉
看花又連昔年情朋游老去鷗盟冷世事於今蝶夢驚
取紫拾青男子事便應投筆效班生

雙清圖

玉樹花香壁月圓繡衣深映色清妍窗涵疎影孤山夜

人在澄光萬里天雲母帳虛沉畫角水精簾淨濕冰絃
廣寒高處應難到立徧闌干醉不眠

李孟璿號南莊訓導

次韻艷體

閨苑迢遙碧海深青鸞飛斷信沈沈春深香冷銷金帳
夜靜聲閒綠綺琴帶雨游雲頻入夢落花啼鳥總傷心
玉簫何處吹明月日斷關山不可尋

明妃

玉筋雙垂出漢朝。胡塵滿馬路迢迢。琵琶曲盡腸應斷。

環。珮。魂。歸。恨。不。消。沙。起。黑。河。風。冽。冽。雲。埋。青。塚。草。蕭。蕭。
黃昏獨有荆門月。長向空村照寂寥。

和李孟昭春興韻

憶過蓬萊海上家。春風長日駐韶華。九天風度瑤池樂。
五色雲迷玉洞花。雷煥多情求寶劍。葛洪何處得丹砂。
別來彷彿三千歲。夢落紅塵隔紫霞。

金碧山水

雨餘山色暖凝春。人掩柴門臥夕曛。江上圖書和月載。
山中雞犬隔雲聞。東風瑤草香初滿。流水桃花路不分。

此處仙家渾不遠。底須騎鶴訪茅君。

朱琳字玉林號雨椿

雨中過韶州

船下韶瀧日欲晡。四山雲起景模糊。沙鷗衝浪頻來往。
汀樹迷煙半有無。作客又驚三月暮。思家其奈一身孤。
愁懷浩浩渾如醉。獨倚篷窗聽鷓鴣。

夜坐有感

夜分燈燼漏聲遲。掩卷茫然不自支。三月鶯花春去後。
半窗風雨客愁時。相如未遂題橋志。季子猶持剡股錐。

辛苦人生成底事。姓名留得世間知。

嚴貞字願正號養素永樂間進士除知縣

杏林春曉

拂曙幽窗濕絳紗東風吹破杏園花
三竿旭日明春色一帶輕煙護曉霞
收露旋和新藥餌尋芳不命小香車
柳城種德追匡阜生意年來有幾家

陸贊字德潤號養正生

東歸掃墓舍弟宣送至龍江而別

東風行李出江濱兄弟相看淚滿巾
欲向先塋供俎豆

寧辭客路受風塵春深歸鴈愁無侶
日暮啼鶻惱殺人酒盡沙頭各分袂
相思兩地夢應頻

李澄字若淵

贈龍虎山朱道士

黃冠道士蓬萊客騎鶴來遊海上城
仙券靈符常滿箬丹臺玉室久馳名
雲開碧漢飛鳧影月落瑤壇散珮聲
遙羨閒身居物外無由相共學長生

陸宗學教諭

天清宮

青鳥曾傳海外書瀛洲消息近何如
燒丹既悟神仙訣
避地何妨水竹居
石子種來都化玉
藥苗分出自攜鋤
天壇月冷秋如水
夜夜吟風起步虛

早秋

露冷莎雞鳴近床
秋風吹客攬衣裳
山岬落日半天赤
雨洗平林千葉黃
遺珮佳人思澧浦
濯纓漁父愛滄浪
中原格鬪苦未息
腸斷高空一鴈翔

謝文昌號東山御史

題明皇幸蜀圖

扶得春星上紫駟
海棠無力柳絲柔
龍顏再顧驚還喜
馬足雙翻去復留
羅襪最憐穿寶鐙
翠裙猶恐掛絨鞦
宮中更有堪疑處
自是三郎不轉頭

題伍子胥廟

妖姬誰與貯蘇臺
尤物須知是禍胎
忠諫若能深聽納
霸圖那得便傾摧
闔閭故國今何在
范蠡扁舟亦不回
千古惟公猶廟食
年年白馬駕潮來

李季衡字公平號西溪

蘇臺

姑蘇臺畔古長洲
江水無情只自流
人去不生歌舞夢
客來空動古今愁
烟光漠漠孤城晚
樹色蒼蒼故壘秋
不獨淒涼眼前事
越王宮闕已荒丘

成都

漢家遺統在成都
王業弘開異霸圖
忠武廟荒餘老柏
永安宮廢入平蕪
雲迷劔閣林巒暝
霜落睂山草樹枯
千古寒江流不盡
也應遺恨失吞吳

漢武侯

三分謀畧孰爲優
王佐長才獨武侯
報主勲名過管樂
托孤事業並伊周
西風禾黍荒郊晚
落日松杉古廟秋
漢賊未誅公已往
千年遺恨自悠悠

錢塘懷古

蕭蕭戎馬渡江來
共喜南朝大業開
王討方期加北虜
天星何意拆中台
西風故國人何在
落日空城鴈自哀
試覓當時遊幸地
幾多禾黍與蒿萊
奸諛和虜正憑陵
河洛腥羶暗甲兵
無復漢光收故物
空餘周顛泣新亭
北來勦敵多如雨
南去諸孤散似星
俯仰不窮千古意
夕陽西下亂山青

題桃源圖

不獨商山可避秦。桃源亦有種桃人。
兒孫生長還成業。世代相傳不計春。
芳艸東風何寂寂。落花流水自粼粼。
此中即是神仙境。却怪漁郎遠問津。

讀宋文天祥傳

當年戎馬逼錢塘。師相紛紛盡納降。
爭似孤臣能殉國。尚圖一旅爲興王。
淮江浩浩烽烟黑。閩海蕭蕭落照黃。
厄運卞來誰復救。空餘大節凜秋霜。

惜陰軒爲僉憲陶公賦

白日如流去不還。寸心宜競不宜閑。
文章直欲追班馬。道學須當究孔顏。
心事十年經史上。功名千載汗青間。
栢臺早已躋華要。豈待蹉跎兩鬢斑。

鄭璋

鶯梭

金衣公子度庭柯。嘒嘒咬咬意若何。
花錦亂穿紅影碎。柳絲輕織翠紋多。
遷喬無意登機杼。出谷留心避網羅。
莫向陶家門外過。壁間猶有化龍波。

桃花浪

一派仙源接武陵。漁郎誤入杳難尋。綠楊蘸影溶溶漲。
紅雨飛香滾滾增。白鳥忘機隨蕩漾。錦鱗乘勢任飛騰。
平生見此心如火。欲跳龍門媿未能。

麥浪

拍天聲勢浩無涯。沒近前村八九家。欲接桃花禹門水。
難乘枯木漢江槎。蜀人臨漲疑浮錦。越女迎流欲浣紗。
稚子隴頭沽酒去。徘徊爭失路三叉。

木筆

誰把侯桃號兔毫。粉牆紅露兩三梢。蜂猜蝶戀從他寫。

酒債詩逋乞我抄。忍可追陪逢逸少。莫教投擲遇班超。
中書省裏揮毫客。無計題詩掃薛濤。

白猫

利牙銛爪體如瓊。故奪雄威若虎形。行傍雪霜同一色。
迸開日月鬪雙睛。玉狸海外來千里。月兔天邊墮五更。
煥入名園人不見。梨花香裏只聞聲。

採蓮舟

西子湖頭載麗春。依紅汎綠度芳晨。瓜皮樣小容身窄。
荷葉叢深問路頻。縱意來時衝落絮。放歌歸去亂香蘋。

六橋影裏常停泊不渡風流薄倖人

幽。不。因。隨。處。坐。在。於。此。以。為。樂。矣。夫。林。小。客。無。事。

春。日。寫。懷。

如。人。意。入。下。界。若。此。若。此。若。此。

盡。開。白。日。隨。風。舞。五。言。詩。不。十。下。以。入。世。間。也。

保。中。樓。在。樓。上。有。一。女。子。在。樓。下。有。一。女。子。在。樓。下。

樵李英華集卷二終

樵李英華集卷之三

朱翰漢翔編

百七言近體

陳顥字漢昭號竹鄰菊逸子

春日寫懷

東風吹雨着輕塵。芳草茸茸濕翠茵。寒食過來猶自冷。

海棠開後不多春。山中謾憶陶弘景。谷口誰尋鄭子。

聖代只今同化育。滄溟不信有窮鱗。

夜宿大雲寺留題竹深處

日暮尋幽到竹深。竹烟晴鎖寺門陰。苔荒路絕行人跡。
月出潭空靜者心。清供一盂香積飯。閑情半榻白雲衾。
留詩已與青山約。莫厭頻來訪道林。

冬日客懷

江國冬來十日陰。閉門高臥擁寒衾。貧將乞米無顏帖。
客久思家有越吟。雪壓荒橋行路斷。山藏老樹凍雲深。
百壺安得如澆酒。細與梅花說舊心。

暮春遣興

柴門地僻懶衣巾。閑看行雲到水濱。花片流香通曲澗。

樹陰分綠護山林。鄰蘇張謾騁縱。橫術巢許甘爲隱。逸民
獨立斜陽思無限。不知何處是通津。

謝朱士章惠墨

錦囊封墨到山居。知是蓬萊貢獻餘。雲氣曉寒生筆硯。
松膠價重抵璠璣。山人借錄歸田藁。野老分抄種樹書。
珍重交情無以報。尺緘聊爲寄雙魚。

晚過闔閭門北望虎丘樓閣儼然圖畫惜不一

登感而賦此

平生未識虎丘山。此日經過不暇攀。泉石佳期隨處有。

古今清賞幾人閑。樓臺影落春雲外。鐘鼓聲來夕照間。
獨倚帆檣遙注目。客懷空羨鶴飛還。

哭中表弟張秉

十年辛苦事遺編。抱病那知竟不痊。黃土一杯今古恨。
青山半世弟兄緣。草堂春去詩無夢。竹屋雲深榻自懸。
莫話少年平昔語。夜深風雨到燈前。

和答鑑中上人

聞說高居似道林。俗流無地得相尋。菩提子落空巖靜。
優鉢花開古徑深。身外利名忘得失。眼中烏兔任升沉。

遙知一榻跏趺處。勘破西來佛祖心。

宿吳江泗洲寺值主僧不在留題

客舟來泊古招提。落日吳江望欲迷。茅屋幾家村遠近。
野橋獨木水東西。茶煙暝護蘿房榻。花雨香沾蘚磴泥。
不遇高僧誰共語。新詩謾向壁間題。

遊海虞城中

邑有言公井。相傳爲子游。舊宅又虞山。爲虞

仲隱處

琴川風物舊如何。此日乘閑試一過。海邑官清無獄訟。

土城俗古有絃歌言公井畔蒼梧老虞仲山前白石多
謝北高僧留我宿暝隨猿鳥入烟蘿

泊吳江塔寺主僧留飯

塔寺東南湖水長三高亭下晚風涼
鯉魚出沒楊花白鷗鳥浮沉杜若香
僧喜詩人留共語商隨漁叟泊連檣
丁寧黃帽休貪懶早理征帆候曙光

新秋次韻

江涵秋影鴈南過涼思催人可奈何
林下久知塵事少水邊惟愛月明多
吳鄉鱸美應分鱠楚客衣單自製荷

回首滄浪濯陰處高情慚愧釣魚蓑

漢宮秋

漢宮移植近庭隅粧點秋容錦不如
羅扇涼生螢歇後金莖露滴鴈來初
昭陽宿酒酣飛燕長信秋風老婕妤
零落當時守宮血清霜幾度爲消除

呈浙江叅政饒公景節

公江西人與顯外曾祖介之同譜
正統初按臨嘉興首詢顯祖母饒氏時祖母已卒顯捧
外曾祖所書墨蹟見公公具道家世本末留

宿於郡之天寧寺故呈此
桃李鄉山隔暮雲。漂零踪跡海邊村。立身未遂男兒志。
鏤骨難忘祖母恩。門掩西風。瓊獨冷。家藏遺卷墨猶溫。
品題願得名公筆。盛事流傳及後昆。

登雲曉望

十丈金鰲白玉闌。偶來乘興一躋攀。月沉蕭寺烟鐘外。
日出滄洲水樹間。野馬無聲隨客去。海風作陣打潮還。
回頭却羨雲菴叟。掃地焚香獨自閑。

妙峰夕霽

長廊鐘磬寂無聲。簾捲西風看晚晴。池色倒涵天鏡碧。
霞光斜照佛金明。扣禪客去雲留宿。乞米僧歸鶴出迎。
却憶舊來分榻夜。臥聽簷雨滴三更。

寒夜聽雨寫懷

風聲雜雨夜瀟瀟。倦枕昏燈夢寐勞。報國丹心徒自許。
欺人華髮不相饒。池塘春草無新句。籬落寒花只舊交。
起看床頭三尺劍。尚餘壯氣燭層霄。

竹深處次韻

結筇竹裏似巖栖。面面窗開翠色迷。長聽雨來虛榻外。

不知日轉曲闌西
奚奴掃地收新穉
吟客敲門看舊題
我欲相尋無路入
鷓鴣何處隔烟啼

鴻門宴

兩雄秋色與南山
決計鴻門一會間
醜醜徒能澆虎士
干將不得犯龍顏
雪飛雙斗尊前失
天護單車灞上還
明日咸陽風物改
有人衣繡憶鄉關

留侯

報仇曾不愛千金
進履何期眷遇深
造漢終然成大業
封留足矣踐初心
青宮定策回天地
素志辭榮冠古今
聞說相從赤松子
不知還許世人尋

鄼侯

掾曹碌碌混凡庸
遭遇風雲起沛公
秦室圖書收幕下
漢兵餽餉給關中
追韓早識無雙士
封鄼終推第一功
他日平陽遵相業
民歌猶自慕遺風

淮陰侯

淮陰城下釣秋風
誰念王孫處困窮
漂母飯香懷德惠
屠兒胯大屈英雄
一壇不負蕭何薦
百戰終興漢帝功
肯信他年雲夢澤
翻成烏盡嘆藏弓

朱原吉從戎回省母

一自津亭話別離廿年南鴈信音稀
楚山夜雨勞相憶漢水春風喜獨歸
慈母憶門垂白髮佳兒戀膝舞斑衣
多君涉歷風霜久忠孝兼全志不違

姚綸字允言號夢草

紅白荷花

鏡裏新粧扇底歌倚風無力舞婆娑
醉來西子容偏媚老去秋娘髮已皤
霞暖繡衾春夢雨雪香羅襪曉凌波
分明太液池頭見點染風流更覺多

城市山林為玄妙觀羽士賦

步入東關一徑深始知城市有山林
黃梁不作塵中夢白日長閑世外心
鳳載紫簫吹落月鶴窺香靄聽鳴琴
人間只此為蓬島何用乘槎海上尋

雪洞為許道士賦

一室穹窿覆地圓宜留小榻坐神仙
鑿開巖甕渾無物踏破冰壺別有天
梅谷花香春似海梨雲夢穩夜如年
幾回酒醒燈殘後錯認瓊樓深處眠

江湖勝覽卷

江湖隨處豁吟眸。不滿詩囊卒未休。日下風雲瞻魏闕。
淮東歌舞認揚州。一篷疎雨鷗邊晚。千里殘霞鷺外秋。
見說武昌城畔柳。尚含青眼待重遊。

竹石山房

山房種滿碧琅玕。怪石相依更好看。玉氣暖蒸雲五色。
翠梢晴弄日三竿。白羊未化長眠雨。綵鳳深棲不畏寒。
補編蒼天人不老。清風日日報平安。

聯璧卷

仙子瑤臺玉一雙。碧桃紅杏兩生香。絳裙拂地春同步。

寶鏡開奩曉並粧。織翠舞衫封蛺蝶。泥金歌扇畫鴛鴦。
卷中乍識春風面。惱我題詩一斷腸。

醉月樓

清夜何須秉燭遊。且邀明月共觥籌。口吞丹桂婆娑影。
手掬金莖沆瀣秋。天上無梯登兔窟。人間有地築糟丘。
醒來不記更深淺。驚見東方白滿樓。

陳昌字穎昌號菊莊

送魏汝賢之遼陽

朝鮮東去是高麗。若說遼陽更在西。馬谷春冰和雪凍。

龍城秋草拂雲齊
千家疎雨無砧杵
萬壘西風有鼓鼙
却嘆浮生江海客
百年幾處聽晨雞

灤河日日北風多
歲晚猶乘一棹過
土室人家低似堠
壁門軍壘小如窩
避人飢鼠偷紅粟
呼伴鳴鴻下綠莎
今夜龍沙城下宿
相思其奈故人何

八月龍岡草木凋
名王射獵出天驕
絨絛背日翻金鷄
羽箭穿雲落皂鵬
得雋未頒紅匭匣
割鮮且進紫葡萄
關氏醉倒穹廬底
回首長城月正高
晚風立馬望中原
遙隔齊州九點烟
部落已非秦社稷

幅員猶是漢山川
銅駝荆棘埋荒土
金鴈蘼蕪接大田
千古興亡一尊酒
懶將往事問青天

送吳素行之廣西

廣州南望海冥冥
百丈牽江幾日程
鯨浪打船風不息
蜃灰塗屋雨初晴
蠻巫祭鬼憑雞卜
島寇編氓事象耕
從此海隅成樂土
尉陀不敢更言兵

竹泉

竹裏清泉竹外溪
隱居絕似浣花西
年深不著蒼龍浴
夜靜常留彩鳳栖
十畝濃陰溥翡翠
一泓寒碧浸玻璃

有時煮茗詩成處就向琅玕節下題

悼沈公禮太守

多病休文減帶圍一官迢遞嶺南歸雙鸞賜誥恩猶在
五馬行春事已非黃菊半籬閑暮雨紫荊一樹自春暉
從今懶過西州路只恨平生故舊稀

贈張存仁

秋鴻春燕兩沈沈別後渾無半紙音夢裏獨驚浮世事
難中多見故人心一窗夜雨芭蕉冷四壁西風促織吟
回首王孫無覓處空思一飯報千金

江湖勝覽

筆床茶竈寄生涯來往烟波到處家帆影拂雲過九澤
猿聲啼月下三巴黃陵廟古多春草白帝城空有暮鴉
寂寞不須傷往事且沽尊酒洗梨花

送陳僉憲之京

少年通籍向金閨帝命觀風下浙西三尺龍阿特繡斧
五花驄馬鑿霜蹄范滂威望人皆仰桓典聲華孰與齊
此日軺車巡已徧又陪駕鷺上丹梯

送沈元節會試

疎雨涼生白苧衣秋闈賦罷又春闈青萍擬作雙龍化
碧落爭看一鷁飛西漢文章從古少東陽聲價近來稀
探花預得龍頭選好寄泥金帖子歸

雲石

謝却紅塵懶出山片雲孤石伴身閑散堆花徑何須砌
深護柴扉不用關曾見白羊朝化去慣看蒼狗暮飛還
此中便是華陽景誰道華陽隔世間

和澈浦李千戶韻

虬髯年少羽林郎曾侍先皇伐鬼方玉帳風高圍壁壘

牙旗雲冷卓沙場非關衛霍功勳大自是孫吳計策長
料得將門原有種麟臺圖像豈能忘

徐濟民見訪

鸚鵡湖頭泊釣槎杏林仙子到山家陳蕃下榻緣徐孺
管仲尋盟爲叔牙魚向荻花江上買酒從楊柳渡頭賒
相逢莫謂貧相棄共剪青燈論物華

東海潮聲

颶風殷殷起晴雷羅刹江頭卷雪堆萬馬奔騰天鼓碎
六龍爭戰禹門開勢如赤壁神兵下勇若漁陽突騎來

欲泛仙槎從此去不知何處是蓬萊
暮春寫懷呈友人
風風雨雨禁烟時過盡春光總不知
桃李野牆花落早
薜蘿江國燕來遲夜深簷溜寒無寐
日晏厨煙濕未炊
多少窮年皆顯達獨慚衰朽困天涯

陸琦字公璐號友蘭

真娘墓

虎阜山隈小小墳半依僧寺半依村
春風不度花前曲
夜月難招地下魂
瑤瑟尚留山鳥怨
金蓮空印露苔痕

年年細雨清明節多少遊人酹酒尊

嚴鼎字用猷號新齋

壺春丹房

醫道分明仙道同
乾坤都在一壺中
家傳自得長生訣
火候能調內煉功
靜坐不知更甲子
醉吟時覺動春風
安期早晚如相遇
只尺蓬萊路可通

張玉字廷執號南窗

春晚

柳絮漫漫似雪飛
春來空嘆事多違
愁邊詩骨空憐瘦

眼底鶯花半已稀，自信迂疎元習懶。由來明哲貴知幾，如今次第成春服。擬向東風詠浴沂。

張益顯字養素

和譚西坡綸見寄

小橋流水到茅廬，半是村莊半是墟。一榻松風醒宿酒，半窗梅月了殘書。每彈焦尾招庭鶴，常積芸香辟蠹魚。老我已無塵俗絆，逢人不必問何如。

錢塘懷古

帝子南遊竟不歸，六橋陳迹草萋萋。月寒孤井銀瓶泣。

木落空陵鐵馬嘶，王氣北隨吳地盡。越江東去海天低，可憐和靖祠前路。楊柳青青鳥自啼。

韓永字景脩號南野

次韻答松雲居士

未老身閒始是閒，采芝應得類商顏。春風短屐山深處，夜月扁舟水曲灣。紫綬金章曾未識，爐熏經卷自相關。松雲一榻紅塵遠，許我相從問大還。

和答甘希善

懶向青雲著錦衣，百年高隱願無違。樓中見月鈎簾坐。

湖上看山放鶴歸。有客問奇談。款曲諸生講覺見精微。
相逢不得長相處。別後令人仰德輝。

蘇雲張振字孟起號植蘭於閩大星

蘇氏短髮曲

華髮蕭蕭不滿梳。老來何必問前途。自非金石形骸固。
難免風霜蔓草枯。周孔只應惟古有。彭聃留得到今無。
九州只是蛇盤鏡。莫信乾坤又在壺。

寄友

青眼交游覺漸稀。側身天地可相依。若知白石堪堪煮。

何待黃精為療飢。已過禁烟猶冷食。不因沽酒典春衣。
蒼苔碧草侵階長。高臥空齋晝掩扉。

次李公與韻

祿位崇高覆者多。轉頭荆棘莽銅駝。桑麻自樂陶元亮。
蒼苔碧草侵階長。高臥空齋晝掩扉。試看僥倖承恩者。日上冰山奈爾何。

蘇氏題紅梅

么鳳啼殘曙角哀。驚看疑是海棠開。守宮誤點生香玉。
獺髓濃調傅粉腮。姑射煉丹仙骨變。壽陽臨鏡醉顏迴。

于今月白羅浮夜。換却紅粧入夢來。

南屏山房

楠天青壁障湖南。結屋何愁地主嫌。綠樹交陰連古剎。白雲移影落虛簷。原頭引水惟剗竹。門裏看山只捲簾。更傍東籬閑采菊。悠然相對即陶潛。

劉傑號緩齋

麟溪小隱

麟溪渺渺接滄洲。傍水人家事事幽。春雨桑麻林谷晚。西風禾黍野田秋。紅塵路遠無車馬。白石磯閑有釣舟。

不用鹿門尋舊隱。自將踪跡寄沙鷗。

送許士章典文陝西

江上風高六月寒。槐花黃徧促征鞍。雲連淮海親闈遠。地入秦關客路難。藝苑文章歸藻鑑。詞林山斗重儒冠。聖朝樂育多賢俊。莫使遺珠起後嘆。

江淵字孔殷號梅谷

贈景德暉照堂

托跡烟霞識梵音。錫飛重駐雜花林。浮雲不是空中迹。止水能澄物外心。白晝每看禪虎伏。黃昏時聽鉢龍吟。

何當結社幽瀾下相與談玄坐夜深
玉虛仙府久棲遲風景悠然事事宜
滿洞綠烟啼鳥處
隔簾紅雨落花時丹成藥竈雲常護
曲奏霓裳鶴自隨
我欲辭家息塵鞅共尋松塢采靈芝

徐中字伯庸號直心道人

萍屋為景上人題

水上乾坤有許寬舟居猶勝住山間
江湖浩蕩基難定
鷗鷺聯翩意共閑落月暫依楊柳岸
晴風又過荻花灣

平生自分無根蒂南北東西任往還

蕭蕭莫藏字用行

秋日書懷寄崔總戎

河橋一別柳初垂又見黃花滿故籬
落日江樓王粲賦
秋風茅屋杜陵詩關山有望天皆樹
歲月無情鬢欲絲
見說東南烽火靜轅門正是晏眠時

送王郎中之京

春風仙珮步瀛洲山水微茫樂勝遊
名世才華宜宦達
清時人物獨風流中天日月開黃道
上苑烟花拂御樓

遙想衣冠趨覲罷又承恩澤鳳池頭

春風賀麟字文徵

輓曹母

王母蟠桃宴未闌仙魂又復駕飛鸞板輿留跡苔痕滿
機杼無聲月影寒萱草花殘春寂寂慈烏聲斷夜漫漫
可憐篋底縫衣線淚灑西風不忍看

病中寫懷

蕭蕭窗戶積浮埃病起襟懷鬱未開夢裏鵬程徒變化
酒中蛇影莫疑猜浴沂童子時相見看竹詩人喜重來

當道肯為知己薦新豐還有馬周才

石門夜泊

驛路迢迢送夕陽石門灣口泊連檣買魚人喚溪邊棹
乞米僧歸竹下房楓葉經霜多自落羅衣臨水不勝涼
且沽尊酒澆離思明日看山認故鄉

張惠字孟與

題昌座元所藏張復陽畫

山繞清溪溪繞山畫堂金剝翠微間雲深猿鶴隨棲止
地僻漁樵任往還梵唄書聲時接響篆烟甌茗日消閑

箇中風景能容我結屨安居傍水灣

陶瑾字廷璧號菊莊

次韻閑居清興

數椽新竹傍溪灣林壑深幽遠市寰簷繞籟聲松竹近
徑無行跡蘚苔斑舉杯邀月詩先就掃石焚香鶴正還
幾度捲簾看不厭東風春色滿南山

壬申九月二十七日

朱翰漢翔編

橋李英華集卷三終

橋李英華集卷之四

朱翰漢翔編

七言近體

周鼎字伯起號疑舫

奉懷吳天使

紫泥封詔下彤闈四牡駢駢出帝闈幾到處江山開霽色

隨車花柳映春暉鸞啼水驛人相憶荔熟炎鄉客正歸

珍重綈袍情戀戀此生慚與寸心違

寫懷

終日攤書懶下樓
春來懷抱冷於秋
未能粟里歸元亮
爭說新豐寓馬周
兩屐青山應自遠
半簾殘月爲誰留
東風莫遣楊花落
飄蕩年年可暫休
武林歸興
青山日日開圖畫
住久山中亦厭看
回首鄉園歸去好
惱情風雨別離難
悠悠懷酒陶潛醉
戀戀綈袍范叔寒
如此春光又啼鴉
興來何必盡君懽

憇秦溪道院醉書壁間

徐福樓船去不回
海門東下浪如雷
青鸞自傍瑤臺舞

紅藥何須羯鼓催
劫火淒涼化焦土
重泉寂寞墓寒灰
神仙未隔人間世
爛熳花前酒一杯

次韻聞教諭見訪

故人風誼重丘山
車騎遙臨巷陌間
酌水也能留客醉
看山何必待官閑
傳呼列炬春生屋
指點巖城夜啓關
記得鴛鴦湖上月
爲君三日未言還

次韻賀美之見訪

賀家湖上看稽山
影落芙蓉清鏡間
天寶諸公同禍亂
四明狂客自高閑
翠華南幸幾亡國
紫氣西來欲滿關

今我逢君重弔古酒船明日且忘還
安亭朱良母節義
節於夫盡義於姑節義方能保二雛人隔古今名獨在
月分圓缺影同孤未亡一日心先死相見重泉淚始無
環燕紛紛爭入畫等閑曾有栢舟圖
陶耕學紅白荷花扇面
欲語還停隔扇羅主家池館晚涼多紅顏自得南薰意
皓齒偏能子夜歌忽憶綵雲湖上見恍疑瓊珮月中過
淡粧濃抹多相似回首耶溪渺綠波

登靈巖山訪張伯雨墓用劉邦彥韻

飛神曾謁紫宸朝下上瑤天幾波寒火宅已空誰墮甌
玉鈎初解自成橋千峯月色還相照萬古詩名耿不消
欲共山頭黃鶴語颺輪何日可予招

壽意圖

長揖金城拜木公挽衣留我上崆峒人間銅狄何年物
海上蟠桃幾樹紅聞道絳人知甲子試憑青鳥問東風
書生欲上揚州鶴邂逅尊前一笑同

送沈醫官致仕還蘆川

杖屨承恩出九天。賜官歸去隱蘆川。
桑榆暮景烟霞外。葵藿丹心雨露邊。
半畝藥苗供月俸。千株杏實當公田。
于今已喜身無絆。放浪何殊陸地仙。

琴臺夜月

伯牙曾此建高臺。遺址于今盡草萊。
鶴舞洞天空入夢。烏啼夜月總成哀。
不聞鍾子知音到。常有張騫使節來。
今日與君臺下別。仙槎重約幾時回。

題支茂林毛女圖

自別阿房不計年。草衣木食遂爲仙。
六宮粉黛都成夢。一洞煙霞別是天。
藥滿篋歸春雨後。鹿隨人到白雲邊。
應知瓢內長生餌。不是同玄不浪傳。

晴翠樓

簾捲東風宿雨收。水光山色滿書樓。
花鋪玉砌紅初褪。柳拂雕闌翠欲浮。
飛瀑遠從蒼嶽落。閑雲低映碧波流。
我來一覽東南勝。無數丹青入醉眸。

壺春丹房爲松陵徐濟民賦

南州高士遠流芳。醫學家聲播四方。
壺內有天春不老。

井中無橘水還香
煮成芝朮煙收竈
煉熟金丹月滿房
老我耽書成痼癖
願求仙術起膏肓

劉稽字惟載號緩軒教諭

和答岑雪崖

李膺門限一高躋
自喜聲華得與齊
老圃分題秋賦菊
小窗讀易夜燃藜
君應善學鳴時鳳
我特差觀鬪了雞
今日相望渾不遠
往來猶恨隔雲泥

俞山字積之太子少傅吏部左侍郎

次答吳興汪性初教諭

譜傳唐宋舊家聲
早拜儒宮屬老成
道德不慚秦博士
文章深服魯諸生
菁莪藹藹皆蒙化
桃李欣欣總向榮
池上三鱣符吉兆
好憶忠赤佐皇明

雙清冊

半畝庭臺瞰碧池
淺紅重白兩相宜
遠分泰華霞千朵
高出祗園玉幾枝
曾慕元公能獨愛
敢忘端伯是相知
主人已去花如舊
百世應須謹護持

孫詢字廷言號東溪藩司檢校

一鶴軒

飛下天壇雪影孤
曾傳書札報麻姑
曉窺松院因尋伴
夜度芝田不引雛
夢逐坡仙遊赤壁
步隨清獻入成都
不知華表歸來後
城郭人民似舊無

高士游勾漏洞
曾奉三公辭
辭夢
肩輿曉度鬼門關
又到勾山洞府間
藤蔓已荒今日路
丹光猶照舊時山
神蛟作雨潭雲黑
仙客題詩壁藓斑
最是坐來寒氣重
此身渾不在塵寰

文章朱孟德
字維新
進士任審理

寄西溪李季衡

不到西溪已半年
光陰不覺易推遷
蒼苔日積尋花徑
翠柳陰閑載酒船
應有詩書消夏日
已多禾黍滿秋田
欲知別後幽棲意
獨掩林扉草太玄

和答送行

草色征袍映綺筵
宦情鄉思兩茫然
心懸桑梓滄洲外
目斷江湖白鳥前
不用臨歧揮別淚
懶從故里著吟鞭
遙知後夜孤舟夢
楓落吳江水接天

聞楊遜之給事使蜀還京

黃門妙選擅風流
萬里初乘入峽舟
玉節光華辭上國

青春文采冠中州遠持季子千金劍欲臥元龍百尺樓
向忝同門更同舍可能無意到滄洲

王連字公路號雲溪衛經歷

遊姑蘇

布穀聲中散暖煙錦城佳麗浩無邊三千羅綺香風繞
十萬樓臺紫翠連銀甃玉盤花下酒鳳笙鼉鼓月中船
謾將綵筆題新句留取重來說往年

秋對月二首

月滿湘簾上玉鉤獨醒今夕興偏優光浮銀色三千界

露冷金風十二樓鸞影遠飛天闕晚鴈聲清度海門秋
倚闌聞得仙娥笑一曲霓裳舞未休

水輪初出海門東淡淡星河細細風虛壁光浮金滉漾
疎簾影透玉玲瓏明皇記得當年至庾亮應來此夕同
勞我一雙攀桂手紫簫吹斷碧雲空

沈淳字惟厚號拙菴吏部員外

送胡參議致仕

封書遙奏五雲間詔許懸車萬里還憂國不知雙鬢改
歸田又喜一身閒蘭舟罷釣鷗邊月茅屋鉤簾雨後山

此外已無軒冕夢煙霞高臥舊柴關

輓趙尚書

才華卓犖冠時英一夢那堪失老成官舍露香花有淚
玉墀春曉珮無聲空遺紫誥封三代無復清朝會六卿
梁木已摧人去遠招魂賦罷益傷情

送同年陳郎中歸田

憂國年來鬢已斑宦途回首憶鄉關曉從丹闕辭官後
晚見青霄倦鳥還三徑菊花新綠酒數椽茅屋舊青山
柴桑風物烟霞趣更有何人得共閑

代輓林都御史父

華表雲深鶴到遲夕陽孤塚草離離空餘林壑尋幽處
無復臯比講道時洛下盡簪曾有約香山結社竟無期
都臺令子丹山鳳幾度焚黃不盡悲

夫立字中夫號蘧菴翰林孔目

小瀛洲為王學士題

一畝園林半畝塘眼前風景勝仙鄉山川拱秀黃金闕
奎壁騰輝白玉堂春雨鹿眠瑶草長清風鶴夢紫薇香
慚予叨尾夔龍後也得優游竊寵光

翠香蘿屋小於車碧簾編籬石徑斜池面魚苗吹柳絮
橋邊鶴迹印苔花看山靜拄新頰笏摘葉閑書舊草麻
若比仙家更奇絕濟人別自有丹砂

題和靖觀梅圖

梅花開徧孤山下徙倚柴荆鶴未歸松頂雪消雲有跡
湖心水淨月增輝但憑孤史書高節絕勝龍顏識布衣
愧殺諸君草封禪覲然台鼎不知非

書唐醫官恩賜歸田卷

去歲聞君出帝畿便開蓬華待君歸鄉閭貧病思青眼

道路兒童看錦衣對酒不須悲老大篝燈且共話分違
田園自有無窮趣白石清泉照落暉

金景輝號養晦中府都事

和福建楊僉憲題王都閩卻金詩韻

王公孝廉之名聞天下嘗為人貽累寮友贈

以金卻而不受遂各有作

元戎器識擬淵深寵辱由來不動心自許瑩同三獻玉
肯教暗受四知金名聞當守恩尤重威鎮邊陲虜莫侵
清節凜然人罕及幾回馳仰發狂吟

和黃太守衡夫韻

金仙樓上遇楊凝倚徧闌干十二層石上每看翻貝葉
花間遙聽轉迦陵也堪呼酒酬佳節未暇留衣謝主僧
回首溪橋天已暝一彎新月映寒藤

和張行人九日汴梁有感

去歲茲辰在帝鄉茱萸露賜出昭陽不堪旅况蕭蕭處
却想爐熏冉冉香良嶽雨荒人不到繁臺水浸夜偏涼
興來無地堪登眺掃壁題詩滿客房

張昊字景昇按察僉事

江湖勝覽

多君年少異凡流辭却燈窗入勝遊萬里關河窮禹蹟
九重宮闕仰神州身無鳳羽冲霄漢劍有虹光射斗牛
勿但驅馳淹歲月歸來還學事藏脩

項忠字蓋臣兵部尚書

臘月二十日與同寅重遊觀音山佛閣

越王山上雨初晴梵境塵空倍覺清草樹纔經春色動
峯巒高對夕陽明別來猿鶴都無恙重到煙霞亦有情
更喜老僧初定起焚香煮茗話浮生

更喜大輓同寮樂僉憲母
夢入瑤池路渺漫
粧臺塵掩鏡光寒
相夫誰舉齊眉案
教子空遺和膽丸
南澗日長思采藻
北堂月落痛分鸞
母儀婦道都無愧
太史銘文百世看

陝西送姜憲副

解綬歸休葺舊廬
買栽松菊編階除
詩書遺子從教讀
軒冕忘情任毀譽
青州池塘新得句
綵雲臺閣舊曾居
莫言疏傳黃金盡
善積應知慶有餘

登華山有感

西嶽稜稜翠作堆
登臨冠蓋共追陪
黃河倒瀉朝滄海
白帝高居接上台
雲雨四時滋宇宙
精靈萬古毓英才
希夷脫屣誰能繼
石室空遺長綠苔

許信字秀亭醫官

赴海寧崔指揮相邀馬上賦此

紅纓白馬紫絲韉
路出山城踏曉霜
潮簸滄溟聲洶湧
日升暘谷影微茫
青烟矮屋燒醮竈
白石長堤捍海塘
笑問侯家何處是
轅門細柳兩三行

唐璵字宗魯太醫院吏目

玉虛宮

遠尋仙境入崎嶇
絳節霓旌接太虛
松頂月明看鶴舞
藥苗春暖倩人鋤
含香使客祈天壽
掃素山翁寫道書
若使雲房容我隱
脫塵來此借閑居

紫霄宮

紫氣騰空接九霄
山連宮殿鬱岩荒
琪花散彩春悠颺
雲樂流音夜寂寥
玉洞煙霞天杳杳
翠崖風露竹蕭蕭
欲隨羽客朝元去
飛步丹梯不憚遙

五龍宮

五龍居處有仙宮
一徑蒼苔萬樹松
日上疎簾明翡翠
雲開絕頂露芙蓉
聲聞雞犬知何處
路隔塵凡是幾重
昨夜道人行雨後
滿庭涼月露華濃

沈琮字公禮知府

東歸來碧虛觀
復與清曉度崔嵬
琳館開當紫翠堆
百尺飛泉來碧澗
千章喬木蔭蒼苔
山靈應喜詩人過
仙境寧容俗士來
一自安期生去後
菖蒲今見幾花開

力耕卷

老去偏於稼穡便日談農事樂豐年過門不見催租吏
祝歲惟收賽社錢穠稌香生秋雨後桔槔聲斷夕陽前
聖朝稽古圖新治擬見徵書起力田
乘暇來尋社裏僧况逢烟霽日初升鳳城縱覽無窮景
鴈塔平躋最上層星斗舉頭堪採摘風雲接踵欲飛騰
吟餘試問逃禪侶續跋今傳第幾燈

輓刑部鄒公宜員外

瞬息人間五十春
倏驚長逝重傷神
瑤琴絕調空懸壁
寶劍無光竟委塵
月冷故山愁杜宇
草生新塚臥麒麟
明刑讞鞠秋毫上
應念平反少一人

次韻答堂兄之深

一別家園數載過
江湖迢遞渺烟波
淒涼暝色連藤竹
憔悴秋容滿芰荷
官况翻嫌簪組累
世情多付廢屨歌
幾回徙倚闌杆曲
目斷飛雲奈爾何

孫絢字文著號雪軒陰陽官

病起寄丁慕松

病餘扶下讀書樓
寂寞懷人易感愁
十載功名雙短鬢

百年身世一浮漚
青山古寺疎鐘晚
紅葉孤村急杵秋
早晚床頭新酒熟
莫辭來此共淹留

聖朝將臨 辛亥 歲 暮 十二月 廿三日 板

幾回封爵開林曲
日漫乘雲奈爾何

無報姦容謝美言
官民瞻歎喜歸農
世計多如秋葉落
一區窮國海濱

一區窮國海濱
世計多如秋葉落

世計多如秋葉落

世計多如秋葉落

世計多如秋葉落



樵李英華集卷四終



甲
12/1